

浙江府縣志輯

中國地方志集成

民國臨海縣志稿

光緒壬辰惠志

中國地方志集成

浙江府縣志輯④⑥

民國臨海縣志稿

光緒玉環廳志

江蘇古籍出版社 ● 上海書店 ● 巴蜀書社

中國地方志集成

浙江府縣志輯④⑥

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二六六元

責任編輯

盧建幸
王海浩

封面設計 范一辛

1993年6月第1版 1993年6月第1次印刷

ISBN7-80569-857-0/K·152

沪新登字119号

重修臨海縣志稿序

縣志爲一邑徵文考獻之本亦爲一郡一省諸志參稽蒐討之資述往昔示來茲則彼之生斯土與夫彼之治斯土者欲知鄉邑風土民情之所在政治人文之所出不難循其迹而求其象焉是以漢書別爲地志一門古卽所重後世因而倣之而有縣志唐元和郡縣志雖爲志之古本而記載僅有數端宋太平寰宇記並及人物藝文兼收並蓄始稱詳備沿及於今言地志者大率又相取法亦非踵事增華蓋不欲後有文獻無徵之病也臨海縣志自有清康熙廿二年先正洪僉事若皋先生編輯刊印後迄今二百數十餘年中續修凡六次俱未成書一爲秦錫淳大令乾隆志稿二爲

臨海縣志

卷首

張序

洪蒙煊孝廉嘉慶志稿三爲程心樹明經咸豐志稿三稿均因迭經兵燹原本今且散佚無存同治中劉太守蘭洲重爲斯舉是爲同治志稿仍未歲事復有所謂光緒志稿爲莆田吳鴻賓太令宰臨海時所薈萃者十成八九略可考證撫拾之本惟此而已然人物藝文金石三門嗣亦展轉復失終未付諸剞劂而最後之志稿則爲民國十五年孫大令熙鼎所主修邑紳何君肅堂則總其成未經半載又因他故止而未竣是則臨海續修縣志前後均無印本抑何成事之難豈文字之顯晦亦必有其時耶夫以一縣之大概疆域星野形勝山川歷時雖久或不過相逕庭而建置選舉田賦人物諸端則固與時有異而歲或不同也年遠代湮苟無圖籍可

稽是將無從索驥矣今四方多故海宇不寧老成與運會推移亦復漸多凋謝鄉邑文獻罕有言及之者或亦出於人事之阻歟然而臨海縣志並有孫任遺稿俾資補續而何君且以守闕抱殘爲己任今猶襲什孔殷是猶臨海之幸也顧未能家置一編流傳不廣稿亦未備論者惜之民國二十三年三月余奉命權篆是邦蓋卽少日釣遊之地邑之賢士大夫半皆故舊凡夫縣政之興革罔勿相助爲理續修縣志余尤樂覩其成遂於是年行政會議時以此交議而邑紳周君佩璜陸君翰文秦君梗友等以茲事體大實施則才與力不可卽致中止則時與勢或將益難殫心竭慮商榷至再旋以舊稿先行付印以爲他時參考之鏡爲言告之於衆僉

臨海縣志

卷首

張序

曰善議遂定並議由何君主其政余爲造門以終始其事請由是復經何君躬任職責加以釐訂分門別類訛者正之闕者補之寢餽其中無間寒暑閱五月而功竟爲圖入爲表十四爲門十五爲卷四十有二井然秩然蔚爲巨帙邑之文獻不復有索驥無從之感是誠臨海之幸矣則夫文字之顯晦此豈果有其時必以俟之今日也然亦非何君忠於鄉事老猶不倦要豈易及此耶余既得觀茲本普徧之效不因龔陋而無一言以識其事若夫燦然大備文物蒐及當代梨棗藏之名山則仍俟諸後之君子民國二十四年乙亥春月臨海縣縣長溫嶺張寅序

序

邑之有志猶國之有史以彰善癉惡爲職而旁及於章制圖籍志以徵文考獻爲務而不遺夫保障繭絲昔袁子才氏謂志江甯難於治江甯蓋不徒編纂勤勞而事之廢興成毀亦若有機會存焉余以癸亥秋承乏臨海臨曩爲台郡首邑多先達耆舊民國肇建俊彥代興稱浙東名區顧邑乘記載自洪僉事後中經二百四十餘年屢議修輯迄未成書余從政之暇諗知何君肅堂守闕抱殘積稿已哀然成帙而秦君榘友適參縣政晨夕過從並識曾君六舟陳君楷亭亦富撰述乃銳意整理欲藉諸君子之助以觀厥成爰馳書何見石屈文六兩先生又商於楊梓青周萍沅諸名宿

臨海縣志

卷首

孫序

皆建其議即聘何曾秦陳諸君任志局事並請肅堂先生董其成詎軍閥專政閩師入境資糧屏屢供億頻繁更無餘力顧及志事旋余以積勞辭職臥病滬濱國民政府成立轉任法曹案牘勞形與臨邑故交書問亦疏闊矣辛未夏重爲馮婦由瑞安而海鹽而東陽宦轍靡常舊游如夢不復能究心文藝偶與士紳譚及東邑志乘僉以稿成而未付梓尙須請鄉前輩鑒定余聞而憮然若有所憶忽周君佩璜自臨貽書曰君疇昔爲我臨數百年歷史文化計設局修志將成而未及刊今縣長張翰庭君樂於廣續仍聘肅堂先生重理遺編不日將付剞劂君不可無一言以弁諸首余讀來書竟不覺踴躍三百蓋張君翰庭爲余老友賴其熱心毅力始

克促成斯編而肅堂先生以古稀之年寢饋於斯卒使一邑掌故壽諸梨棗不令飽蠹蟬之腹其苦心効力尤爲可佩也因識其緣起如此以復周君時中華民國二十四年歲次乙亥國曆二月立春日臨海縣知事現任東陽縣長休寧孫熙鼎序

臨海縣志

卷首

孫序

二

序

質勝文則野文勝質則史史者文之極致也在國爲史在邑爲志顧必職掌於小史外史者以非文莫屬志星躔分野者天文也志山川形勝者地文也志忠臣孝子節婦義夫者人文也志孤生特出之方物土貢者物質之文者也他如志庠序學校流風善政則又文教而文化也文之不已天地雖也蓋天地秘惜菁華而惡其文之著故蒙金以砂錮玉以璞珊瑚之叢必茂重溟夜光之珍必領驪龍而於文字爲尤甚觀於吾臨海志乘書闕有間殆亦文運盛衰之關係者乎臨海爲二千年文物舊邦金鰲玉峴所孕毓代多著作之才古無所謂志也圖經而已其引於嘉定志者有臨海

臨海縣志

卷首

屈序

圖經若干卷吳主亮太平二年析章安置臨海時台境凡三縣章安臨海南始平其見於尤袤遂初堂書目者亦有台州三縣志若干卷臨海有志何嘗自陳寅窗始顧何以至今傳者惟陳氏赤城志謝氏赤城新志洪氏康熙縣志其餘若赤城續志赤城三志元統志天台郡志以及文淵閣箸錄之台州路志臨海志明任稜周玉所撰臨海志稿盧守仁所緝台州郡志稿皆湮沒不彰康熙而後秦洪程葉諸公亦嘗罔羅放失舊聞思欲托空文以垂於世有屬稿未成者有稿成而燬於寇者有鏤梓而輟於半途者嗟乎成書難其傳尤難一若惜之愈深而厄之愈甚者此果何道哉大抵文字爲造物所忌修志與作史同人禍天刑沓來紛至不使留隻

字於人間故幸而存者祇有此數文獻中斷考古無徵亦吾輩士夫與夫官斯土者之責也歲丙辰吾友周君佩璜分巡甬東嘗囑張右銓大令蘭麝續之旋以代去不果越十年映光息影家居孫侯篆齋議修志事余司其議重勉之邑中名宿蓄道德而能文章者惟何徵君肅堂先生侯以禮聘任總纂席而副以明經曾君六舟秦君梗友事鉛槧五易蟾圓哀然成帙卒以軍興未竟厥緒文事厄於兵戈與康熙癸亥所修太平志咸豐辛酉所修黃巖志如出一轍惡知不又爲鼠蠹飽耶會有天幸今歲春張侯翰庭來宰吾邑數閱月竭蹶以圖其成雖曰人事甯非文運之轉機昔張蒼水奔走國事閒關至臨海仰天大笑曰此地三百年後必有興者

臨海縣志

卷首

屈序

二

今其時矣顧仍無名世挺生則意者河山之運不鍾於豪傑而鍾於斯文信乎文章之顯晦有時即今日志書之成豈偶然哉方徵君之快快一編也亦嘗謂藏名山待其人得大力掖之而起與陳謝諸公衡抗於千載之上不可謂非其所待之人是足爲徵君賀其遭也曩余長浙時識拔張侯於稠人中使歷宰大邑均有聲今更能成不朽盛業張吾臨海益信向之所以知侯者爲不謬矣映光曾忝督修任得觀厥成且獲掛名於文字之末沾沾自喜烏得無言非敢謂皇甫謐序三都之足爲左思重也是爲序

中華民國二十三年歲次甲戌孟冬月前內務總長邑人屈映光撰

序

臨海爲縣始於三國吳主亮太平二年蓋一千七百餘年於茲矣河山靈秀代毓人文何以鄉邦文獻之班班可考者惟陳氏赤城志謝氏赤城新志洪氏康熙縣志大抵小史外史之職廢志失其官不能以時修緝更頻經鼎革禍亂相尋干戈兵燹所摧殘載籍之散佚久矣故至今存者祇有此數說者遂謂臨海有志自陳實窗始不知臨海圖經台州三縣志實開其先古方志之存者若唐元和郡國志宋元豐九域志皆專志地理地志古稱圖經炎帝白阜圖地形由來舊矣臨海圖經雖久佚然已引入嘉定志可斷爲唐宋以前之書唐武德五年改海州爲台州置章安始豐寧海樂臨海縣志

卷首

周序

安四縣六年省寧海入章安則三縣矣是台州三縣志之作於武德六年間更無疑義此皆吾邑志乘之權輿其文辭不少概見考古之士憾焉况廣續於洪志後者若乾隆嘉慶咸豐各志稿均未成書卽葉伯丹明經所輯光緒稿若干卷郡伯六合徐公方謀錄梓尋亦歿於任不果其後二十餘年孫侯篆齋商定總長屈公張局延邑中名宿分門授簡敦請何徵君肅堂先生任總纂席將竣事會閩軍壓境功仍壞於垂成二百四十餘年典章文物荒落彫衰此又徵文考獻者引爲大戚者也今幸溫嶺張公翰庭來宰吾邑不數月政治民和正時志於興廢舉墜乘閒以志事告曰完成固吾職也仍令就商徵君請終始其事徵君曰可惟今昔志

例懸殊新舊學頗持異議得陸君翰文幹旋議乃定公喜甚卑詞

厚幣賧徵君之楣而稱曰能事固不受促迫然未知明年又在何處需者事之賊急就章可也徵君敬諾四閱月果告成功竊嘗受而讀之其義例視洪志稍有變更其實較葉稿尤爲殫洽刪葉之繁補洪之闕詳略適宜品藻得當其有關於忠孝大節名教大防民風政治之得失一篇中尤拳拳三致意焉決爲信今傳後無疑也徵君爲謙不敢自信請援明史稿例以志稿名義印行雖然中流失船一壺千金後有作者舍此焉程蓋雖稿亦不朽矣嗟乎由前而論代遠年湮書闕有間由後而論五張六角屢試無功一志之存亡成否豈若有天焉以主之意者造物忌名忠臣孝子節

臨海縣志

卷首

周序

婦義夫以及隱淪顯宦騷人墨客之倫之欲託於志以成名者故迭出兵戈水火死亡患難以困厄之所謂天定而勝人張公苦心焦思獨能排萬難以竟未成之緒不使長逝者之魂魄私恨於無窮則又人定而勝天其功願不偉哉曩孫權會稽道策時張侯蘭來白事侯儒官也當以吾邑志事相煩方經始以受代去此願未酬每念之輒爲疚心今則梓行有日矣後之視今雖猶今之視昔不能保千載下之必存然既經百折以底於成未始非滿志躊躇之事則邴邴乎喜可知矣故不以不文而樂爲之序中華民國二十四年歲次乙亥二月前寧波警察廳廳長會稽道道尹邑人周琮撰

重修臨海縣志稿自序

自來經世之書莫大於國史莫重於縣志何以言之古者四甸爲縣邦畿以外列爵分土縣皆侯國洎乎東周列國相并孔子修春秋求周史記得百二十國寶書寶書卽史書尊重之故稱寶國有史官若晉董狐齊南史楚倚相其尤著者自秦廢封建夷天下爲郡縣史官屬於朝廷郡縣無史顧郡縣爲國家基礎歷史無稽民情胡達致獻徵文賴有志在志者掌於周官爲小史外史見諸左氏有前志周班固撰前漢書作地理志志郡國戶口縣名後漢書改稱郡國志蓋對於國家則爲史對於郡縣則稱志自東漢光武詔南陽撰記風俗於是沛郡三輔揚耆舊節士之聲魯國廬江傳

臨海縣志 卷首

何序

名德先賢之讚郡國之書由斯而作志乘之例亦自此而開迄乎三國兩晉如許劭之評汝南陳壽之傳益郡虞預之錄會稽習鑿齒之記襄陽皆以本鄉人志本鄉事唐宋以來會萃於元和郡縣太平寰宇舉凡名流軼事良吏遺規語林世說之嘉言孝子貞女之懿行不見於史而見於志者並足範人倫垂治譜勵薄俗挽頹風志書之爲功顧不重哉台爲浙東雄州臨海爲台領縣華頂括蒼峙名山於西北靈江滄海環秀水於東南固已代產英賢家藏著述矣惟縣志一書自清康熙癸亥鄉先達洪僉事虞鄰公纂修後迄二百四十餘年屢修屢輟未告完成薦紳先生引以爲憾歲丙寅邑侯休寧孫公篆齋勤民之暇諏訪輿情僉以縣志爲政治

切要之書延擱愈久修輯愈難侯毅然自任會集紳耆籌撥款項

假館於北固山麓朱子祠聘邑中文學之士分任纂輯囑黃編定

成書並請同里前內務總長屈君文六督修黃自維謙陋懼弗能

肩固辭不獲時先兄見石方伯僑寓北平詒書教勉謂志以信今

傳後康熙洪志搜採宏富論贊明通尤以表章人物爲主蓋天星

分野地域畫疆城郭山川亙古不變前志所詳無待辭費人物則

閱世挺生百里賢人一鄉善士繼洪志而纂修者當有記錄揚其

善以勸爲善褒其賢以勵不賢毋遺毋濫文字工拙尤其後者黃

考吾邑志書清乾嘉年間有孝廉秦大令沐雲重修副貢洪大令

達泉繼輯稿成未梓咸豐兵燹散軼稀存迨同治辛未前太守岳

臨海縣志 卷首

何序

陽劉公蘭洲飭縣開局纂修延先世父邑博士輝臣公總輯甲戌告成後前太守侯官郭公穀齋撰序稱其繼續洪志堪以輔翼政教惜款絀未刊分纂黃茂才子珍挈其稿藏諸家光緒乙未前太守宜賓趙公寅臣復徵臨海令吳侯雲笙重修邑廩生葉君伯丹充協纂任時黃茂才已卒卽其家取回同治志稿卷帙屢錯鈔繕脫譌葉君潛心訂正又自同治甲戌至光緒乙未二十餘年間增加事蹟從新寫錄是爲光緒志稿嗣六合徐公乳羔守台葉君以志稿呈閱公批評數處轉交葛駕部逸仙點竄葉君不悅攜回人物藝文金石志若干卷及葉君羽化非獨同治志稿無著卽光緒志人物藝文各門亦無從探討爰爲博訪廣諮蒐遺補闕畫則懷

鉛握槧夜而陳篋發書所幸同館秦君梗友曾君六舟陳君楷庭等學問皆勝於黃集益孔多程限原定一年討論緣及五月方謂時間尙長可以從容就緒詎歲聿云暮閩軍過境烽煙乍起筆硯旋停同事風流雲散黃亦蜷伏里門頻年病目幾同盲左志稿束閣條逾七稔去年春夏之交目光回復老眼重明芸簡再親柴扉常掩舊友周君佩璜偕縣祕書樂清倪君漢波來告曰臨海志乘重修功不虛矣邑侯橫湖張公翰庭雅重文獻以縣志停修未印議照孫侯成案繼續進行以先生曾任總輯擬請造塔合尖從速校勘藉竟前緒越日張侯枉駕與周倪兩君言同惟以款絀期短不能重新開館爲歉黃感邑侯之誠重以周倪兩君敦促志事半

臨海縣志

卷首

何序

三

途責無旁貸用是檢集諸稿傭雇書人繁者刪之闕者補之彙散成聚裁異歸同自夏徂秋亦僅五閱月校讎難免疏虞急就恐多漏略惟差可自信者生於斯長於斯聚族於斯無黨無偏不敢蹈魏收之穢所見世所聞世所傳聞世闕疑闕殆未嘗爲干寶之搜庶幾告無罪焉至於援據之未博考證之未明義例之未精文辭之未雅繩其愆而糾其謬踵其事而增其華是所望於後之君子抑黃更有感焉夫修一書必得一書之用否則何貴乎修臨海自吳屈晃公以忠義顯三國而人皆勵氣節自唐項子遷以詩名重一代而人皆擅詞章自宋二徐先生以道學高千古而人皆敦行誼至有明三百年人才輩出處則山林賢士出則廊廟偉人氣節

行誼詞章非第甲於之江直紅可耀於全國清初順康之世故家遺俗流風餘韻猶有存者降至晚清閱無聞焉夫猶是臨海昔何其盛今何其衰豈地運使然耶抑人豪之不克自奮耶誠使邦人君子瀏覽斯志撫今追昔爭自濯磨以答孫張兩賢侯重修之美意安見衰者不可復盛耶百世以下必有以此志比東周百二十四國之寶書而不至覆西漢揚子太玄之醬瓿矣豈不懿歟民國二十四年歲次乙亥猶清和月前光祿寺署正國務院顧問孝廉方正何奏黃肅堂甫書於白雲山園

臨海縣志

卷首

何序

四

臨海縣志稿總目

卷首

張序

孫序

屈序

周序

何序

總目

凡例

歷屆及本屆纂修銜名

臨海縣志

卷首

總目

縣境總圖

縣境分圖

北

縣境分圖

中

縣境分圖

南

縣治附郭圖

學宮圖

縣署圖

卷一

疆域

沿革

卷二

疆域

二 邊度 水陸遙里 形勝

卷三

疆域

三 鉅山

卷四

疆域

四 鉅水 坊鄉 鄉市

卷五

建置

城池 廟宇 庶政 倉場 驛鋪
郵電 津渡 水利 橋梁

卷六

版籍

戶口 土田 賦稅
鹽課 役法 歲供

卷七

臨海縣志

卷首

總目

風土

禮俗 歲時記 物產

卷八

學校

廟學 書院 試院 義塾 學堂

卷九

兵防

營制 陸師 水師

卷十

兵防

武官題名

卷十一

祠祀

秩祀

卷十二

祠祀
私祀

卷十三

官師一
歷朝令佐

卷十四

官師二
清令佐

卷十五

官師三
學官

卷十六

官師四
政蹟

卷十七

臨海縣志
卷首
總目

選舉一
薦辟 歷朝科舉 諸科 諸貢

卷十八

選舉二
清科舉 五貢 恩榜 議員 考職 獎勵 歷朝武科 例選 武職 封贈 蔭襲 補遺

卷十九

人物
名臣

卷二十

人物
宦業

卷二十一

人物
儒林

卷二十二

人物
文苑

卷二十三

人物
孝友

卷二十四

人物
忠義

卷二十五

人物
卓行

卷二十六

人物
遺逸 方伎

卷二十七

臨海縣志
卷首
總目

人物
寓賢

卷二十八

人物
方外

卷二十九

列女
賢母 賢婦 孝女 貞女 烈女 烈婦

卷三十

列女
節婦

卷三十一

列女
節婦

卷三十二

列女 節婦 名媛

卷三十三

古蹟 第宅 園林 器物 書畫

卷三十四

古蹟 坊表 塚墓

卷三十五

古蹟 宮觀 寺院

卷三十六

藝文 經部

卷三十七

臨海縣志

卷首

總目

五

藝文 史部

卷三十八

藝文 史部

卷三十九

藝文 子部

卷四十

藝文 集部

卷四十一

大事

卷四十二

紀遺

附同治志稿原統 光緒志稿原序

臨海縣志

卷首

總目

六

凡例

一修志與修史同史有獨修衆修之殊修志亦然康熙洪虞鄰先生具才學識三長其地位精力本足勝獨修之任惟歷時十載邑人士又各以見聞相餉故其簡端自署外總稱同邑舉貢庠生分纂名不勝指從其實也今自民國十五年開館纂修因事中間茲始告成追溯清乾嘉道咸同光歷經重纂方諸古昔無異史修五代繁簡兼備薛歐書撰三唐新舊互分劉宋突然或燬於劫火或散諸私家各具苦心都無完璧懷舊思古爲之慨然現因付印謹將從前歷次主修長官銜名及纂修羣賢姓字分期編列於前嗚呼楚禱晉乘久乏傳書華黍白華空存篇第

臨海縣志

卷首

凡例

合表前微用彰衆美

一洪志分門別類有敘有論有贊敘則采經拓傳殫治無遺論亦援古證今發揮盡致贊更揄揚雅切寓諷於褒今照錄則嫌於剿襲另撰又未免贅疣若單就康熙以後秩官人物兩門作贊前無後有此有彼無尤不畫一謹援明修元史例專詳實錄不作論贊至洪志傳記徵引未載來歷茲志遠法咸淳臨安志近仿乾隆浙通志每條注明出處以免懷疑

一地志古曰圖經蓋以山川道里之歧台必有圖以表之經以說之始可瞭如指掌舊志僅一縣境總圖今志增繪分圖南北相銜可分可合道里贏縮村莊位置不難按圖而索也

一輿地亘古不變隸屬歷代不同爲州爲縣或并或分今昔殊名前後異制非詳溯源流驟難攷覈欲使制置顛末燦然在目則沿革未容略也因增表以便觀覽

一分野之說肇於周官保章氏以星土辨九州而元和郡縣志台州禹貢揚州之域一語實爲後人傳會所由來台爲浙之一隅臨爲台之一隅曷足當分星之一度光緒志稿蒐集纏度各說幾至盈卷茲姑撮錄數條以俟推步家之參考

一洪志於山川僅臚列其名之衆著者順道里之遠近爲先後而未詳其脈絡今志敘山仿禹貢敘水仿桑經庶得尋幹度枝窮源竟委焉

臨海縣志

卷首

凡例

一戶口土田役法所以重民生裕國計也今昔不同利弊尤異洪志收入食貨門而鹽課獨漏光緒志稿檮欒田賦而歲供未詳茲改稱版籍前代則仍其舊近時則循賦役全書及兩浙鹽法志參以縣案題銷檔冊舊額新編統征分解存留支給詳稽博考并附台衛屯田而析出物產益以禮俗另標風土一門眉目似較清晰

一建置之志城池廨宇局所他志皆同然前輩宋嶠山大令修扶風縣志以津渡橋梁并入建置論者稱其得體今從之而以水利附載蓋備旱潦資蓄洩胥由人力經營也

一選舉一門共分兩卷均順時代以列表首曰薦辟次曰進士次

曰舉人唐宋元兼列諸科明則並列諸貢清則隸副貢於甲乙榜下其恩拔優歲各列一表而老榜恩科之舊典議員考獎之新章或附載或特標悉以年爲經以人爲緯文武並重故既著武科復詳武職例選亦懷才欲試之一途封贈者子孫報本之恩祿蔭者朝廷勸忠之典並誌之以備掌故其見於他書而科分無可攷者另以補遺紀之

一地靈與人傑相連嶽降崧生增光邦國故修志必以蒐羅人物爲先攷人物之有分類始於史記漢書惟史有褒貶如傳循吏儒林亦傳酷吏佞幸志則取善爲師有褒無貶爲稍異耳洪志人物首理學而無儒林竊以理學之名起於宋厥道不外先儒

臨海縣志

卷首

凡例

三

忠孝文行爰略爲變通仍用兩漢儒林舊名曰名臣宦業儒林文苑孝友忠義卓行遺逸方伎其名流之戾自四方宗教之傳從二氏別爲寓賢方外諒亦見許於通人

一列女亦人物之一因卷帙較繁別爲之志台州舊稱小鄒魯閭幃之植彛倫立名節者指不勝屈吾臨尤盛茲據郡邑舊志及節孝錄并採訪所得分爲賢孝貞烈節五類而廁名媛於後亦猶中壘作傳母儀賢明貞順節義而繼以辨通也

一官師爲士民表率地方藉以統攝政教藉以維持惟歷朝官制不同自應分別列表著其名籍及任卸年月無從詳考者則闕之政蹟云者卽名宦所敷施也志官師而復志政蹟亦猶志選

舉而復志人物也去思遺愛必實至而名始歸焉

一吾邑山水效靈聞人輩出過孤竹者流連二子泛沅湘者感想三閭古蹟之志庶不至閱時湮沒憑弔茫然坊表塚墓皆累朝顯達之榮哀法宇琳宮多千載遺留之建築連類而及藉便披覽

一圖志例載金石因兩浙金石志外復有黃氏之台州金石錄葉氏之臨海金石志成書既夥若據以再佔篇幅跡類鈔胥故甯從闕略以節糜費

一學校迺教化之源文廟在所首重故一切儀制典禮視洪志加詳非敢求勝於古人實以告朔餼羊之厯存而存之亦每事必

臨海縣志

卷首

凡例

四

問之意也書院義塾兼列舊名安知今之所廢者不爲後之所興乎學堂之載截至宣統三年止本志通例如此

一臨屬多山而又瀕海兵防尤亟故於營制外兼詳水陸汛地炮位餉額俾整軍經武者有所考鏡而武宦題名卽附於後蓋衛民與安民其功一也

一祠祀以合於祀典者爲秩祀民間崇信祈禱有驗或忠良節義彪炳當時有舉莫廢者別爲私祀祇廟淫祠概置弗采

一書錄入藝文舊志第列其名茲以經史子集分部彙載分部中又復分類并詳卷目存佚序引題跋就所知者各爲附登惟吾邑前修著作如林雖有赤城集天台集諸家之采輯而牘壁遺

珠數難更僕况後此篇章疊出與日俱增間嘗上考諸史旁涉羣書以及舊牒殘編吉光片羽悉皆甄錄會成臨海集若干卷俟籌有經費再行分編付梓蓋文固賴獻而能傳獻亦因文而益顯也

一慶雲甘露祥異也水溢旱乾災異也烟塵突起風鶴驚心寇變也合三者而記之名曰大事亦一邑之史也終之以紀遺弘景冥通昔時罕見敬叔異苑當世稀聞凡屬齊諧之怪並為越絕之書雜事秘辛諸臯瑱記悉存錄焉

一志中於引用諸書原版字句漫漶殘闕者未敢擅補以口口識之明知舊載舛誤及有疑竇者則綴案語於後並援据他書以

臨海縣志 卷首 凡例

五

訂證之或前稿本有案語亦即標明示不掠美事之已附他門暨收歸本傳者概不複載例如列女坊表既分注於各本氏名下不再闌入古蹟偶因牽連必須重述者則註稱互詳某處以清界限剪裁辯正各具苦衷

一現志稿經此次之修整共分十五門為圖七為目九十有一為表二十有五為卷四十有二造端於仲夏告厥於季秋副邑侯誼委之殷盡後學抱殘之責古稀鑽紙溽暑懷鉛寢饋俱忘程期是赴雖云勞止詎敢自多然一邑之掌故無窮一人之精神有限金熬玉峴光氣難免多湮淮雨別風謬訛于焉滋懼大雅宏達尚冀匡予

邑人七十一叟何奏簣謹識

歷屆及本屆纂修銜名

乾隆三十三年重修

主修

臨海縣知縣華亭許巽行

六奏

總纂

丙子科舉人江西瑞金縣知縣邑人秦錫淳

沐雲

嘉慶間重修

纂修

戊申科副貢安徽五河縣知縣邑人洪家煊

連泉

協修

臨海縣志

卷首 纂修銜名

生

員郭協寅

石齋

恩

貢

生沈河斗

椒巖

咸豐間重修

纂修

歲

貢

生程霖

心樹

協修

歲

貢

生陳協垣

補堂

恩

貢

生洪瞻臺

案封

同治十年重修

主修

台州府知府 岳陽劉璈 蘭洲

臨海縣知縣 萍鄉黃敬熙 曙巖

增 總纂 生何炳麟 輝臣

分纂 員黃瑞 子珍

生 員江培 浣秋

生 員彭澤 笠吟

生 員宋珍 琴言

生 員洪福馨 葵九

臨海縣志 卷首 纂修銜名

光緒十九年重修

主修 臨海縣知縣 蒲田吳鴻賓 雲笙

總纂 大挑一等分浙任用知縣 永新劉秉衡 虛谷

副總纂 台州府學訓導 舉人慈谿俞棠 希卿

協纂 廩生葉書 伯丹

同修

歲貢 候選 教諭 李鏐 瑯卿

辛卯科 副貢 陳桂榮 葩晨

廩貢 生蔣步莊 印潭

恩貢 生楊孚甲 柳河

癸酉科 拔貢 湯溪縣學訓導 項炳珩 沐夫

丁酉科 拔貢 貢朱軒 崇齋

甲午科 舉人 姚桐豫 桐岡

生 員阮兆元 釣溪

生 員潘榮恩

臨海縣志 卷首 纂修銜名

民國十五年重修

主修 臨海縣知事 休甯孫熙鼎 篆齋

督修 前內務總長 邑人屈映光 文六

總纂 前光祿寺署正 國務院顧問 孝廉方正何奏贊 肅堂

分纂 前丁酉科副貢 署四川巴州州判 秦楠 樸友

前癸巳科 副貢 曾士瀛 六舟

前考職 江蘇補用巡檢 廩生陳崇實 楷庭

前己酉科拔貢就職州判何奏簡	煊夫
前陝西宜川縣知事邑人陳宗庚	竹孫
同知銜邑庠生項壽鵬	桂笙
生謝翰芝	牛舫
前臨海勸學所所長生員嚴秉鉞	梓恭
廩生朱湛林	秀斌
採訪	
生員洪達河	厥臣
前福建試用知府邑人耶慶祥	吉甫
廩生李成模	楷臣
臨海縣志	
卷首	纂修銜名
四	
前江西候補縣丞歲貢生陳爾常	德淵
生員許樹勳	祝平
前縣議會議長日本早稻田大學師範科畢業生李超羣	莒甫
生員張聘三	謝堂
生員王溶喆	勤甫
前臨海縣議會議員葉嘉謀	
生員張澤霖	仁山
生員洪光棣	華堂
生員汪沛德	蘭洲
五品	

臨海分庭書記官黃夢梅	竹坡
臨海縣公署科員蔣肅白	崇山
臨海分庭錄事呂傑臣	
文海分庭錄事童陳光軒	
臨海分庭錄事盧克波	
收掌	
前臨海縣自治委員蔣謙	光君
民國二十三年重修	
主修	
臨海縣縣長溫嶺張寅	翰庭
臨海縣志	
卷首	纂修銜名
五	
纂修	
邑監修人何奏贊	見上
前甯波警察廳廳長會稽道道尹邑人周琮	佩璜
董修	
臨海縣政府秘書前河南登封縣知事樂清倪漢波	漢波
校勘	
前浙江省議會議員代理永康縣知事梁成	藕香
前臨海縣公立圖書館館長優貢生項士元	慈園
前臨海縣議會議員余和鈞	銳方